



POST DA BOURVEZIN

Karget a gefridi – diorren Diwan ha skoazell d'ar skolioù

Ur rouedad skolioù kevredigezhel, laik digoust ha digor d'an holl eo Diwan. Hiziv ez eo an hentenn gelenn nemeti hag a ginnig ar c'helenn brezhoneg dre soubidigezh. Krouet eo bet Diwan 42 vloaz zo hag ez eus bremañ 47 skol, 6 skolaj hag ul lise er 5 departamant Breizh.

O kreskiñ dalc'hmat emañ ar rouedad : digoradur un eil lise e Gwened ha raktresoù all. Emeur o klask un den karget a gefridi – diorren Diwan ha skoazell d'ar skolioù hag eil derez.

Ezel eus ar servijoù kreiz ar gevredigezh, ar c'harget a gefridi diorren Diwan ha skoazell d'ar skolioù hag eil derez a zo an den kentañ o taremprediñ ar c'hevredigezhioù KDP - kevredigezh desevel poblek (AEP- Association d'Education Populaire) o verañ pep skol.

Labourat a raio e Breizh Izel, o kenlabourat gant he/e c'h/ genseurtez o labourat e Breizh-Uhel. Ledan ha liesseurt eo ar c'hefridioù labour.

I – Diorren Diwan

Evit digeriñ skolioù, skolajoù pe ul lise, e ranko

- Respont da goulennoù ar re e-karg eus ar raktres lec'hel ha studiañ anezhañ
- Ambroug ar c'homite lec'hel oc'h heuliañ ar protokol digeriñ skolioù pe frammoù eil derez, o lakaat an deiziataer da glotañ hervez an degouezhioù. Skoazell a zegas evit an emvodoù foran, an emgavioù gant an tiez-kêr hag an dilennidi, ar c'hlask batimantoù, ar prientiñ budjedoù.

Evit degas skoazell d'ar skolioù o vont en-dro e

- Sikouro ar skolioù evit aozañ dorioù digor
- Kuzulio ar skolioù en ho obererezhioù diorren (tiez-skol, niver a vugale)

II – Skoazell d'ar skolioù ,skolajoù lise

An den karget a gefridi a zo an den dave evit an holl zanvezioù o tennañ da mont-en- dro kevredigezhel ar skolioù. Ober a ra ivez al liamm etre ar frammoù ezel ar rouedad, en ur unvaniñ an doareoù d'ober.

Evit merañ an implijidi hag an arc'hant e tegaso e/he g/c'huzulioù

- War ar skoazelloù d'an implij
- War an dachennoù sokial ha goproù, liammet gant an dud a vicher er rouedad.
- En darempredoù gant ar melestradurioù (URSSAF, Pol implij, DIRECCTE, etc.) ;
- Er merañ ha kontoù
- En treuskas ar c'hiriegezhioù kevredigezhel.

Karget eo ivez ar c'harget a gefridi da labourat war danvezioù pe teuliadoù evit ar rouedad a bez gant he/e c'h/genseurtez hag izili all ar servijoù. Kemer a ra perzh e enklaskoù ha dastum titouroù evit sevel binviji boutin azasaet d'ar rouedad.

Doare den klasket

Ho skiant prenet gwirion er bed kevredigezhel, evel den a youl-vat oberiant pe implijad-ez, a roio deoc'h an tu da gompren buan kudennoù frammoù ar rouedad.

Mestroniañ brezhoneg dre gomz ha dre skrid a ranker evit ar post-mañ. Bez e c'hell ivez bezañ emvodoù e fin an devezh, ha dalc'het e vezer un nebeud dibennoù sizhun war ar bloavezh.

Barrek-tre war an darempredoù ha gouest da vezañ buan en ho aes, ez oc'h gouest da selaoù mat an dud. Plijout a ra deoc'h diorren raktresoù ha fellout a ra deoc'h kas anezho da benn, ar post kinniget a yelo mat deoc'h neuze.

Titouroù-all

CDI leun amzer

Devezh kregiñ : an abretañ ar gwellañ

Gopr : hervez ar skiant prenet

Ma z'och dedennet gant ar post, trugarez da gas ho CV ha lizher emginnig da **tuta@diwan.bzh**.